

ÁKVÖRDUN SAMEIGINLEGU EES-NEFNDARINNAR
nr. 81/2024

2024/EES/52/38

frá 15. mars 2024

um breytingu á bókun 31 við EES-samninginn um samvinnu á
sérstökum sviðum utan marka fjórþætta frelsisins

SAMEIGINLEGA EES-NEFNDIN HEFUR,

með vísan til samningsins um Evrópska efnahagssvæðið („EES-samningurinn“), einkum 86. gr. og 98. gr.,

og að teknu tilliti til eftirfarandi:

- 1) Rétt er að auka umfang samstarf aðilanna að EES-samningnum þannig að það taki til reglugerðar Evrópuþingsins og ráðsins (ESB) 2023/2418 frá 18. október 2023 um að koma á fót fjármögnunarleið til að efla evrópska varnarmálaiðnaðinn með sameiginlegum innkaupum (EDIRPA) ⁽¹⁾.
- 2) Rétt er að þátttaka EFTA-ríkjanna í starfsemi sem leiðir af reglugerð Evrópuþingsins og ráðsins (ESB) 2023/2418 hefst frá 27. október 2023, óháð því hvenær þessi ákvörðun er samþykkt, eða hvort tilkynnt er eftir 10. júlí 2023 að stjórnskipuleg skilyrði, ef þau eru til staðar, að því er þessa ákvörðun varðar, hafi verið uppfyllt.
- 3) Aðilar með staðfestu í EFTA-ríkjunum skulu eiga rétt til þátttöku í starfsemi sem hefst áður en þessi ákvörðun öðlast gildi. Kostnaður sem fellur til vegna slíkrar starfsemi, sem kemur til framkvæmda eftir 27. október 2023, kann að teljast hæfur með sömu skilyrðum og þeim sem gilda vegna kostnaðar sem fellur til hjá aðilum með staðfestu í aðildarríkjum ESB, að því tilskildu að þessi ákvörðun öðlist gildi áður en viðkomandi aðgerð lýkur. Ákvæði um afturvirkir aðstoðarhæfar aðgerðir í 3. mgr. 6. gr. reglugerðar (ESB) 2023/2418 gilda einnig.
- 4) Skilyrði þátttöku EFTA-ríkjanna og stofnana þeirra, fyrirtækja, samtaka og ríkisborgara í áætlunum Evrópusambandsins eru sett fram í EES-samningnum, einkum 81. gr. samningsins.
- 5) Því ber að breyta bókun 31 við EES-samninginn svo aukið samstarf geti hafist frá 27. október 2023.

SAMÞYKKT ÁKVÖRDUN ÞESSA:

1. gr.

Eftirfarandi málsgrein er bætt við á eftir 15. mgr. 7. gr. bókunar 31 við EES-samninginn:

„16. EFTA-ríkin skulu frá 27. október 2023 taka þátt í aðgerðum á vegum Sambandsins sem tengjast eftirfarandi lagagerð og fjárlagaliðum sem færðir eru í fjárlög Evrópusambandsins:

- **32023 R 2418:** Reglugerð Evrópuþingsins og ráðsins (ESB) 2023/2418 frá 18. október 2023 um að koma á fót fjármögnunarleið til að efla evrópska varnarmálaiðnaðinn með sameiginlegum innkaupum (EDIRPA) (Stjtið. ESB L, 2023/2418, 26.10.2023).
- **Fjárlagaliður 13 01 04:** „Útgjöld til að styðja við Skammtímafjármögnunarleiðina með sameiginlegum innkaupum um varnarmál“.
- **Fjárlagaliður 13 06 01:** „Skammtímafjármögnunarleið með sameiginlegum innkaupum um varnarmál“.

Kostnaður sem fellur til vegna starfsemi sem kemur til framkvæmda eftir 27. október 2023 eða, ef skilyrðin í 3. mgr. 6. gr. reglugerðar (ESB) 2023/2418 eru uppfyllt, eftir 24. febrúar 2022, kann að teljast hæfur frá og með upphafsdegi viðkomandi aðgerðar sem ákveðin er í styrksamningi eða viðkomandi ákvörðunum um styrk, með þeim skilyrðum sem þar koma fram, að því tilskildu að ákvörðun sameiginlegu EES-nefndarinnar nr. 81/2024 frá 15. mars 2024 öðlist gildi áður en aðgerðinni lýkur.

⁽¹⁾ Stjtið. ESB L, 2023/2418, 26.10.2023.

Ísland og Liechtenstein skulu undanþegin þátttöku í fjármögnunarleiðinni sem komið var á fót með reglugerð (ESB) 2023/2418 og því að veita fjármagn til hennar.“

2. gr.

Ákvörðun þessi öðlast gildi daginn eftir að síðasta tilkynning, samkvæmt 1. mgr. 103. gr. EES-samningsins, hefur farið fram (*).

Hún kemur til framkvæmda frá 27. október 2023.

3. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 15. mars 2024.

Fyrir hönd sameiginlegu EES-nefndarinnar

Nicolas von Lingen

formaður.

(*) Stjórnskipuleg skilyrði gefin til kynna.

Yfirlýsing EFTA-ríkjanna

vegna ákvörðunar nr. 81/2024 frá 15. mars 2024 um breytingu á bókun 31 við EES-samninginn um að auka samstarf samningsaðilanna þannig að EFTA-ríkin taki þátt í fjármögnunarleiðinni sem komið var á fót með reglugerð (ESB) 2023/2418

Með ákvörðun þessari er samstarf samningsaðilanna aukið svo það taki til þátttöku EFTA-ríkjanna í fjármögnunarleiðinni sem komið var á fót með reglugerð (ESB) 2023/2418 („fjármögnunarleið“). EFTA-ríkin telja að varnarmál falli utan við gildissvið EES-samningsins og því víkkar samþykkt þessarar ákvörðunar ekki gildissvið EES-samningsins svo það taki til varnarmála, umfram þátttöku EFTA-ríkjanna í fjármögnunarleiðinni. EFTA-ríkin leggja einnig áherslu á að Ísland og Liechtenstein skuli ekki taka þátt í og leggja fjármagn til fjármögnunarleiðarinnar.